



Kakanj, 15. 09. 2015. godine.
Broj: 01/D-01-43- 10856 /15

Na osnovu člana 68. Statuta JP Elektroprivreda BiH d.d.- Sarajevo Zavisnog društva Rudnika mrkog uglja "Kakanj" d.o.o. Kakanj i člana 69. stav 2. tačka d) nijedna od primljenih ponuda nije prihvatljiva i Preporuke Komisije za javnu nabavku broj: 480-09/15 od 04.09.2015. godine po otvorenom postupku (OP: 16/15 - Nabavka elektro opreme i dijelova), a u skladu sa članom 70. i 71. Zakona o javnim nabavkama („Sl. glasnik BiH“, broj 39/14), v.d. Direktora Društva Elvedin Čobo, dipl.ing.rud., donio je

ODLUKU

o poništenja dijela postupka javne nabavke – Nabavka elektro opreme i dijelova - Lot 5 – Rezervni elektro dijelovi za kombajn Eickhoff EDW 200/340L

Član 1.

Poništava se dio postupaka javne nabavke Nabavka elektro opreme i dijelova (otvoreni postupak OP: 16/15) u dijelu koji se odnosi Lot 5 – Rezervni elektro dijelovi za kombajn Eickhoff EDW 200/340L, iz razloga što nijedna od primljenih ponuda nije prihvatljiva – član 69. stav 2. tačka d) Zakona o javnim nabavkama.

Član 2.

Odbija se ponuda ponuđača „INSTRUMENTS“ d.o.o. Sarajevo, dostavljena u postupku nabavke - Nabavka elektro opreme i dijelova za Lot 5 – Rezervni elektro dijelovi za kombajn Eickhoff EDW 200/340L, a po obavještenju o nabavci broj: 967-1-1-427-3-60/15 od 29.06.2015. godine objavljena na portalu javnih nabavki, kao neprihvatljiva.

Član 3.

Za izvršenje ove odluke zadužuje se i ovlašćuje Komercijalna služba ZD RMU „Kakanj“ d.o.o.-Kakanj.

Član 4.

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke o pokretanju postupka javne nabavke broj: 01/D-01-43-6516/15 od 05.06.2015. godine.
Procijenjena vrijednost javne nabavke bez PDV-a je 15.000,00 KM.
Obavijest o nabavci broj: 967-1-1-427-3-60/15 poslata je na objavu dana 29.06.2015. godine, a objavljena je na Portalu javnih nabavki dana 29.06.2015. godine.

Komisija za javnu nabavku je dana 04.09.2015. godine sačinila Zapisnik o ocjeni ponuda broj: 478-09/15 od 04.09.2015. godine i Preporuku o izboru najpovoljnijeg ponuđača broj: 480-09/15 od 04.09.2015. godine, u postupku javne nabavke roba - Nabavka elektro opreme i dijelova.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda za Lot 5 jedna (1).

- da je blagovremeno zaprimljena jedna (1) ponuda.
- da nije bilo neblagovremeno zaprimljenih ponuda.
- da nije bilo prihvatljivih ponuda.
- da ponuda ponuđača „INSTRUMENTS“ d.o.o. Sarajevo nije prihvatljiva iz razloga kako slijedi:

Tenderskom dokumentacijom je propisan i definisan Ankes 2E Obrazac za cijenu ponude za Lot 5, te da se isti ima dostaviti u ponudi u formi i obliku kako je sačinjen.

Uvidom u ponudu ponuđača utvrđeno je da ponuđač nije dostavio pomenuti obrazac u formi i obliku kako je isti naznačen u tenderskoj dokumentaciji. Naime, uvidom u ponudu utvrđeno je da ponuđač nije dostavio stranicu 2. pomenutog obrasca na kojoj se nalazi definisan rok isporuke, mjesto i datum sačinjavanja dokumenta, ime i prezime ovlaštene osobe, potpis ovlaštene osobe, te napomena u vezi popunjavanja dokumenta u pogledu cijena.

Na strani 3 ponude ponuđača utvrđeno je da je ponuđač naznačio način plaćanja, kao odgođeno plaćanje 30 (trideset) dana od dana isporuke i ispostavljanja računa. Tačkom 6.8. Tenderske dokumentacije definisan je rok, način i uslovi plaćanja izabranom ponuđaču. Ponuđač izvršio izmjenu uslova tenderske dokumentacije, te ponudio rok, način i uslov plaćanja drugačiji od definisanog tenderskom dokumentacijom.

Aneksom 4 tenderske dokumentacije definisana je Izjava o ispunjenosti uslova iz člana 47. stav 1. tačka od a) do d) i 4. Zakona o javnim nabavkama („Službeni glasnik BiH” broj: 39/14).

Uvidom u ponudu ponuđača utvrđeno je da ponuđač nije popunio navedeni obrazac, odnosno Aneks 4, sa zahtjevanim podacima. Naime, u dijelu izjave gdje se treba napisati tačan naziv ponuđača, ponuđač nije napisao naziv kandidata/ponuđača.

Tačkom 3.2. Tenderske dokumentacije predviđen je uslov u pogledu tehničke i profesionalne sposobnosti:

a) Uspješno iskustvo u realizaciji najmanje 1 ugovora u prethodne tri godine (2012., 2013. i 2014.godina), čiji je karakter i kompleksnost isti onima koji se odnose na predložene ugovore, odnosno lot, a čiji zbir vrijednosti za najmanje dva ugovora ne može biti manji od za

Lot 1 – 10.000,00 KM,

Lot 2 – 7.000,00 KM,

Lot 3 – 30.000,00 KM,

Lot 4 – 9.000,00 KM,

Lot 5 – 6.000,00 KM,

Ocjena tehničke i profesionalne sposobnosti ponuđača će se izvršiti na osnovu slijedećih izjava i dokumenata koje dostave ponuđači:

Član 49. tačka a) Zakona o javnim nabavkama

- a) Listu isporuke roba dostavljenih u (2012., 2013. i 2014.godina), za svaki lot posebno sa ukupnim vrijednosnim iznosima datumima i primaocima uz osiguranje dokumenata u formi potvrda o dostavljenim robama koje su izdali primaoci - Obrazac „Popis ugovora-lista referenci“ u Aneksu 7A za Lot 1, Aneksu 7A za Lot 2, Aneksu 7C za Lot 3, Aneksu 7D za Lot 4 i Aneksu 7E za Lot 5 tenderske dokumentacije ili od datuma registracije, ukoliko je ponuđač počeo sa radom prije manje od tri godine, dostavit će dokaz za taj period.

Dokaz se podnosi u tabelarnom pregledu - Obrazacu „Popis ugovora-lista referenci“ u Aneksu 7A za Lot 1, Aneksu 7A za Lot 2, Aneksu 7C za Lot 3, Aneksu 7D za Lot 4 i Aneksu 7E za Lot 5 koji se nalazi u prilogu ove tenderske dokumentacije uz potvrdu koju daje druga ugovorna strana o njihovoj realizaciji. Dokumentacija koja se podnosi mora biti dostavljena u originalu ili u kopiji ovjerenoj od strana nadležnog organa uprave. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju.

Potvrda o uredno izvršenim ugovorima mora sadržavati slijedeće podatke:

- a) naziv i sjedište ugovornih strana ili privrednih subjekata;
- b) predmet ugovora;
- c) vrijednost ugovora;
- d) vrijeme i mjesto izvršenja ugovora;
- e) navode o uredno izvršenim ugovorima.

Ukoliko ponudu dostavlja grupa ponuđača, svi članovi grupe dostavljaju zajedno dokaze u smislu ispunjavanja uslova.

Ako je period od registracije/osnivanja ponuđača kraći od perioda za koji ugovorni organ zahtijeva izjave i dokumente koji se odnose na ekonomsko i finansijsko stanje i tehničku i profesionalnu sposobnost ponuđača, ponuđač treba dostaviti dokumente samo za period od svoje registracije /osnivanja.

Dokazi koji se zahtijevaju dostavljaju se u originalu ili u kopiji ovjerenoj od nadležnog organa.

Uvidom u ponudu ponuđača „INSTRUMENTS” d.o.o. Sarajevo utvrđeno je da je ponuđač dostavio Aneks 7E popis ugovora – lista referenci u kojem su navedena dva ugovora sa svim elementima zahtjevanim Aneksom 7E.

U prilogu navedenog aneksa dostavljena je potvrda društva ZP Rudnik i termoelektrana Gacko a.d. Gacko od 15.06.2015. godine. Navedena potvrda nije dostavljena na način kako je predviđeno tenderskom dokumentacijom, odnosno ista nije dostavljena u originalu ili ovjerenoj kopiji.

Aneksom 8 Tehnička specifikacija zahtijevano je da se dostavi kataloška dokumentacija kojom se dokazuje da ponuđeni predmet nabavke ispunjava postavljene tehničke zahtjeve.

Uvidom u ponudu ponuđača utvrđeno je da je dostavljena dokument na strani 28 ponude. U dostavljenom dokumentu je nabrojan predmet nabavke, ali iz dostavljanog dokumenta ne može se utvrditi da ponuđeni predmet nabavke ispunjava tehničke zahtjeve predmeta nabavke iz Aneksa 2E Obrazac za cijenu ponude.

Na osnovu svega iznesenog, ponuda ponuđača „INSTRUMENTS” d.o.o. Sarajevo je ocjenjena kao neprihvatljiva.

Nadalje, u postupku ocjene provedenog postupka, Direktor Društva nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom, podzakonskim i internim aktima i tenderskim dokumentom.

Naime, u postupku predmetne nabavke nesumnjivo je utvrđeno nije dostavljena nijedna ponuda u određenom krajem roku, čime su se stekli zakonski uslovi za poništenje postupka javne nabavke.

Iz navedenih razloga, primjenom člana 69. stav (2) tačka d) Zakona o javnim nabavkama, odlučeno je kao u članu 1. ove odluke.

Pouka o pravnom lijeku: Protiv ove odluke može se izjaviti žalba JP Elektroprivreda BiH d.d.- Sarajevo Zavisnog društva Rudnika mrkog uglja "Kakanj" d.o.o. Kakanj, najkasnije u roku od 10 (deset) dana od dana prijema ove odluke.

M. P.

v.d. Direktora Društva



Elvedin Čobo, dipl.ing.rud.

Dostavljeno:

1x Direktor Društva

1x Učesnici u postupku javne nabavke

1x a/a